

Et niun non passoe.

Noto. Fo leto in questo Pregadi alcuni avixi di Lion per lettere di . . . Come erano zonti li lanzinech.

Fu posto, per li Savii, havendo riebiesto sier Alvise Barbaro proveditor a Ravenna, qual è indispuesto, sia eletto il suo successor; però sia preso che per scurtinio sia eletto in questo Conseio proveditor a Ravenna con ducati 100 al mese per spexe, qual exerciti quello officio, iuridition etc., ha il presente proveditor; et debbi partir fra 15 zorni con la commission li sarà data per il Collegio. Ave: 150, 9, 4.

Di Crema vidi lettere particular, di Domenego Baldigara canzelier del podestà, di 8. Questa matina a l'alba vi avisai del zonzer di l'imperador a Zenoa, et questo istesso è stà confirmato hozi per uno altro adviso. *Etiam* si ha esser zonti in Aste lanzinech 3000 de li 10 mile che hora manda il re di Franza in Italia per conservation de li sui confederati: et se spera che sequirà *etiam* l'acordo per tutti essi confederati con l'imperador. In Alexandria erano zonti fanti 5000 mandati li ultimamente per il signor duca de Milan, dove *etiam* ne sono fanti 1500. Et sua excellentia ha mandato a Roma uno suo ambasator per intender quello ha a sequir *etiam* di l'acordo per lui. Inimici heri sera si levono del suo primo alozamento et sono venuti ad uno loco ditto Vauri, et hanno posto al ponte su Adda. Li nostri non se moveno da Cassan, et de qui se li mandano vituarie.

Del ditto, di 10. Di campo è aviso, per lettere di heri, che inimici erano venuti grossi et stati a le man con il signor conte di Caiazo qual ne ha preso 8 in 10 di cavalli legieri de inimici, et loro hanno preso el capitano Pozo suo locotenente. Et li proveditori hanno messo in Pandin fanti 100 et cavalli lizieri 100 per securtà di le vituarie vanno in campo, et tutavia passano di qui per mazor securtà.

185* *Copia di la parte di suspender il partir di le galie di Baruto.*

Fu posto, per sier Hironimo Trun, sier Marco Bembo, sier Vicenzo Barozzi Savii ai ordeni, una parte di questo tenor. Il zonzer di l'armata cesarea con la persona di l'imperador è di tal qualità che convenientemente si deve per alcuni giorni haver rispetto a far partir le galie nostre di Baruto. Essendo il capitano di quelle a la vella, l'anderà

parte che, per autorità di questo Conseio, sia preso che le galie di Baruto siano intertenute, si che non partino fin 6 zorni, nel qual tempo, iusta li avisi si haveranno, questo Conseio habbi liberar circa il partir suo quello li parerà conveniente et a proposito. Questa parte ave 164. Et a l'incontro sier Hironimo da chà da Pexaro savio di terra ferma vol che le ditte galie da Baruto andar debbano al suo viazo come è stà preso in questo Conseio. Ave 44, di no 4, et 6 non sincere.

Questi zentilhomeni hozi partirono per andar in le terre.

Padoa.

Sier Domenego Contarini di sier Marco Antonio, a la piazza.
Sier Zuan Loredan qu. sier Tomaso.
Sier Lunardo Bembo qu. sier Francesco.
Sier Batista Griti qu. sier Francesco.
Sier Alvise Grimani el XL Criminal, qu. sier Nicolò.
Sier Zuan Francesco da Canal qu. sier Piero.
Sier Anzolo Michiel qu. sier Nicolò dotor.
Sier Justo Gradenigo qu. sier Zuan Paulo.

Treviso.

Sier Gabriel Barbo qu. sier Pantalon, alla piazza.
Sier Francesco Bon di sier Alvise.
Sier Agustin Emo qu. sier Gabriel.
Sier Alvise Bembo qu. sier Vicenzo.

A dì 12, la matina. Fo, heri, di peste 4, lochi 186 novi, et . . . di altro mal. Noto. Heri il formento vene a lire 7 soldi 14 et più, sichè per queste nove el cresse.

Di sier Alexandro da chà da Pexaro, proveditor di l'armada, fo lettere di 9 luio, dal Zante. Zerca le fuste di mori qual ha combatuto la nave et prese altre nave etc. Et come vol venir a Corfù; et sono lettere più vechie di le altre.

Di Bergamo, di rectori, di . . . Come hanno fatto la risegna di le compagnie de fanti sono in la terra. Dieno esser 3250 et non sono 2080. Scriveno le provision fanno per conservation di la terra; et il forzo di citadini è partiti con il suo valente et andati a securarsi.

Da Ferrara, di sier Marco Antonio Venier el dotor, orator, di 11. Scrive esser stato dal duca, qual li ha ditto haver hauto lettere di Cam-